

3 4 5 6 7 8 9 50 1 2 3 4 5 6 7 8 9 60 1 2 3 4 5 6 7 8 9 70 1 2 3

靖獻遺言 七八止

□9
2528
3 止



八和
2528
3-3

璣
國
書

靖獻遺言卷之七

燕歌行

處士劉因

因字夢吉保定容城人

一綱志保定禹貢

冀州之域五代晉

割屬契丹元改保定路容城則保定屬縣
○冀州卽堯舜所都幽都幽州而周封堯
後於薊封召公奭於燕皆此地唐分爲四
十三州至五代後唐從河自立忌其河東
節度使石敬瑭徙之他鎮敬瑭拒命唐發
兵討之敬瑭乃與其將佐桑維翰謀奉表
稱臣於契丹且請以父事之約事捷之日
割盧龍一道及鴈門以北諸州以與之卽
皆冀州之地也劉知遠諫曰許以土田恐
異日大爲中國患敬瑭不從表至契丹大

天正九年三月二十四日
磯貝靜昇氏贈

喜將兵救敬瑭。唐兵大敗，從河自焚死。契丹乃命敬瑭爲太晉皇帝。敬瑭遂割幽薊等十六州以與契丹。即四十三州數內向所謂盧龍鴈門諸州是也。周世宗即位，自將伐契丹，以復之。關南悉平，遂欲前復幽州。遇疾還，殂。宋神宗時，契丹使人來乞別立界至，王安石勸神宗曰：「欲取之必姑與之。」乃割新疆與之。凡東西失地七百里，終爲異姓興兵之端。及徽宗宣和中，金兵日強，連陷契丹地。於是徽宗遣使約金夾攻契丹，取石晉所沒舊地。既而金人又與宋構隙，大舉兵入侵，至靖康之亂，全冀之地盡沒于金。而後天資絕人，二歲識書日記竟陷于蒙古矣。

千百言過目，卽成誦。甫弱冠才器超邁，日閱方冊，思得如古人者，友之作希聖解。初

爲經學究訓詁註釋之說，輒嘆曰：聖人精義殆不止此。及得周程張邵朱呂之書，一見能發其微。曰：「我固謂當有是也。蚤喪父，事繼母，孝性不苟合，不妄交接。家雖甚貧，非其義一介不取。家居教授師道尊嚴弟，子造其門者，隨材器教之，皆有成就。公卿過保定者聞其名，往往來謁，因多遯避。不與相見，不知者或以爲傲。弗恤也。嘗愛諸葛孔明靜以脩身之語，表所居曰靜脩元。

世祖以薦徵之爲右贊善大夫尋以繼母老辭歸俸給一無所受後世祖復遣使者徵爲集賢學士以疾固辭世祖聞之曰古有所謂不召之臣其斯人之徒歟遂不彊致之至元三十年卒年四十五聞者嗟悼歐陽玄曰所貴乎處士者能以一己之所守爲一國之所慕雖當世英君誼辟操其總攬豪傑包舉宇內之柄一旦遇夫爵祿慶賞所不可致之人於是怡然企乎先主道德之懿真有貴於己之所負挾者而後上之趣向定下之習俗成元有國以來言處士必宗劉靜脩也又贊其畫像曰於裕皇之仁而見不可留之四皓世祖太辛裕
命贊善王恂教近侍子弟恂卒迺徵因繼之而因辭歸也以世祖之略而遇不能致之兩生漢高祖已并天下使叔孫通起朝儀於是通使徵魯諸生三十餘人有兩生不肯行日公所事者且十生皆面諛以得親貴吾不忍爲公所爲公所爲不行矣無汙我薛瑄曰劉靜脩有鳳凰翔于千仞之氣象又曰靜脩不屑

就其意微矣

薊門來悲風易水即太子丹使荆刺秦主送至之一處生寒波雲物何改色游子唱燕歌燕歌在何處盤礴西山阿武陽燕下都歲晚獨經過青丘遙相連風雨隣差畿七十齊郡邑百二秦山河學術有管樂道義無丘軒蚩蚩魚肉民誰與休干戈往事已如此後來復如何割地更石即塘爲石郎曲終哀思多

按劉因不仕元先輩旣發其意而如此

行結未者尤的然可見因以身爲幽燕故地之氣類生族而高陵逸舉不肯汚染戎虜異屬之本心不特傲睨濁世涕唾祿爵而已也薛氏所謂微意者其此也歟因又渡白溝詩曰一聲霜鴈界河秋感慨孤懷幾千古萊公灑落近雄才顯德千年亦英主十年鐵硯自庸奴五載兒皇安足數當時一失榆關路便覺燕雲非我土更從晚唐望波陀自此橫流穿一縷古稱幽燕多義烈嗚咽泉聲渴餘怒濤萊公謂宋寇準澶淵之役顯德謂周世宗鐵硯謂宋寇準澶淵之役石敬瑭失榆關路謂後唐莊宗將周德威恃勇不脩邊備幽州榆關之險遂爲

契丹所有也沙陀則莊宗養父晉王李克用亦夷種而至莊宗率有幽燕遂稱帝滅梁矣事並詳于正史通鑑等又登金荆軒山詩曰紛紛此世亦良苦今古
燕遼世古今每當多感慨直欲罷登臨莫更留塵跡千年不易禁又曰萬國河
山有崇趙百年風氣尚遼金物華暗興秋光老杯酒不隨人意深望易京詩曰
誰教神器歸羣盜只見金人泣本朝莫怪風雷有餘終田疇英烈全未消右數
詩亦皆足以相發矣因特表出之夫以此律之則

許衡吳澄等失大義之罪無所逃焉

丘濬曰孔子春秋一經關係尤大元之許

衡則悖春秋之道者也春秋之道內夏外
夷一會之頃尚不容其主中國況四海之
大其肯容之爲君乎或曰仕元之人多矣
乃獨責衡可乎曰此朱子責備楊雄之意
也他人隨世就功者何責焉

梁江臨曰衡以中國之人毀冠裂冕以事夷
主以絕我中國帝王之統可乎然則爲衡
計奈何曰如劉因之屢召不屈可也

許浩曰胡銓謂三尺童子至無知也指太

豕而使之拜則怫然怒今醜虜大家也衡以宋儒仕元反不如童子之見哉

袁黃曰
衡新鄭

人以金泰和九年生固非宋人也逮顯於元侵宋之舉公卿爭獻攻取之略衡獨言惟當脩德以致賓服若以力取必殘兩國之生靈蓋有江漢之思焉○按元史衡懷河內人世爲農父而衡父避地河南生衡新鄭自元世祖爲王秦中徵爲京兆提學及卽位復應徵官至中書左丞及集賢大學士國子祭酒陳時政與機務焉一統志懷河內禹貢冀州之地宋屬河北西路新鄭禹貢兗豫二州之域乃宋太祖以來至欽宗所都開封府之地也又金泰和九年卽宋寧宗嘉定二年己巳歲猶爲南宋全盛時矣然則衡雖未嘗仕宋而浩謂之宋儒尚爲有所據而黃徒由金元蠶食侵奪之後言之不復論故地分崩之根本可謂踈矣且脩德之與以力其方雖不同然至于教元取宋則興當時公卿之路何異夫以幽燕之地石晉以來三吉餘年沒于夷狄而劉因猶固執舊城寧辟世獨立以不汚若衡之生則宋本地而故都所在乃不少辨別其視委于東虜如盜賊人家竊據府庫而爲舊家僕者不能逐之指爲盜有且更爲之計畫挈引以養殺主人奪家基之術者是何理耶或曰是則然矣而懷孟新鄭皆沒于夷之久已致租賦屬之役屬則是爲其民也曰不然大抵有一世之隸有一國之隸有一人之隸有一家之隸有一爾重如衡於元則所謂興天下萬世同隸者雖天壤與腐生民與糜不仕可也固不可以遠近舊新常態而論也如劉因生子衡四十年之後而其卒也亦後十餘年且

其祖族曾仕金爲官，而因超然不顧。是其所以爲不可尚也。已況致租住役，固庶民常事與？當仕者又有間焉。不幸到此，無舊君真主可與輔以攘逐異類，恢復舊疆，則蒸羶羹藜食而已。力以終身，至暴威劫迫使不裕，但止則死。生以之，如龔勝謝彷得何？可爲之有。曰王虎谷又謂孔子嘗之楚，楚必夷也。猶夫元也若昭王卒用孔子，相楚必有用。夏以變之，之道將不用於東，而用於南矣。衡於元孔子於楚，一也。父子兄弟朋友，歸兄弟朋友大倫也。父子夫婦兄弟朋友皆知不可廢而獨君臣廢焉。聖賢不爲也。此說奈何？曰此尤妄論。夫孔子於楚，豈使之終偕王，貌廢周君令當時天下諸侯改敵，北面朝覲奔趨于齊戎之廷耶？必將教其君臣抑僭竊尊天王舉四海之內復文武綱紀之舊也。是之謂用夏變夷，大抵聖人一大作略，大力量回天翻地，決非常情所能及。而春秋大義分夷夏，討亂賊，所謂昭日星者，則未嘗易也。是乃與許衡忘本國殞異虜與之謀，絕宋三百年來正統，以爲得計者，正相反矣。以此相比，何其不思之甚！至於君臣廢之說，則亦殊可疑。夫能辨舊壞本統，大分守正，不殲君臣之義貌，大乎是若是，若以其乘翬羶并天子，乃視以爲君臣之分已定，不復問其主賊正非如何？則不論女真蒙古雖王莽曹操輩亦以崩角屈膝甘受其畜豢羶策，唯恐不速之不暇爲事理。當然而一時所謂忠臣義士奮墳，報讎守死，不貳者皆爲亂臣賊子之魁也。以是爲君臣大倫，不知其何說矣。故嘗反復究論，以謂元代百年土君子所以處身者，只有二字不仕而已矣。舍此則粉飾分疎徒爲譏謔，而棄誠懶常獲罪名教之外無所得矣。曰然則宋若能光復舊域，則因果出仕乎？曰因本非遺世而自逸。

者其可仕而仕又何疑日因生幽燕其不仕夷固也若不幸祖父以來爲所劫驅生貢于彼域中則如何曰流移轉沒固亂世之常但生族本系終非其種則無可變之理因所見本末均然可驗必不仕矣

丘濬又曰嘗視劉因所作退齋記有曰挾老氏之術者以一時之利害而節量天下之休戚其終必至於誤國害民然而特立萬物之表而不受其責焉且方以孔孟之時義程朱之名理自居不疑而人亦莫知奪之也其徒陳俊民請曰彼方得時行道

大闡文風衆人宗之如伊洛先生斥之曰老氏之術何也由此言視之則因之不仕蓋的然有見也味其辭所謂以孔孟程朱自居及其徒所謂得君行道衆以伊洛宗之似指許衡也若然因亦不然衡之仕元歟袁黃曰因又爲劉仲祥著龜齋說云近世士大夫多以頑鈍推魯自號彼其人未必真有是也亦非故爲謙說也或爲老子之說以爲必如是而後可無營而近道葆齋而自全也則擇而取之而其意則將以自利而已然則靜脩偃僊而言之不置其殆爲許

又曰衡嘗語其子曰我平生虛名所累竟不能辭官死後慎勿請謚勿立碑但書許某之墓四字使子孫識其處足矣視衡此言固自知其仕元之非矣

丁奉日丘瓊山不滿於許衡吳

澄之仕元然衡與澄有不同者衡北產也元之故士也此其所以仕元也况臨終語予勿請謚立碑則其仕元之恥亦可憐矣說者謂范質臨終之語與衡適同然而質也富貴之徒衡也道學之士以此相較則辱衡過矣余謂奉此說可謂卑陋甚矣夫衡以道學之士而出處死生之際乃與質同轍則所謂道學者果何事而其爲名教之罪不啻倍于質也是其自速之恥辱何過之有而足復憐乎至於北產故士之說

則其失同袁黃已辨于前矣○周世宗將殂召其相范質等入受顧命立子宗訓時七歲已而殿前都指揮使趙匡胤自外率兵入汴廢宗訓自立稱皇帝國號宋初入也將士擁質等至軍士厲聲懼之王溥等降階先拜質亦拜遂仕宋復爲相將死遺命其子勿請謚立碑周禮曰質等周朝舊臣食祿受恩非一朝一夕矧與宋主比肩北面稱臣顧乃偷生賣國忍恥事讎安足爲人

又曰衡生元人域中不得已而爲之用其心尚有不慊焉者吳澄宋朝鄉貢進士

澄西撫州崇仁人宋時爲鄉貢進士及元滅宋以程文海薦仕元至顯官詳于元史

平昔所志者何道仕之所得幾何而頓忘

孔子春秋之教哉

張時泰曰春秋於父兄之讎則曰不共戴天宋與元正不共戴天之讎也趙孟頫仕元其無恥孰甚焉

元已滅宋程文海薦江南遺士宋宗室趙孟頫世祖擢用之遂至顯要焉

昔者王珪魏徵不死建成之難君子非之

范祖禹曰建成爲太子且兄也秦主爲藩主又弟也王魏

受命爲東宮之臣則建成其君也豈有人殺其君而可北面爲之臣乎以弟殺兄以藩主殺太子而奪其位太宗亦非可事之君矣食君之祿而不死其難朝以爲讎暮以爲君於其不可事而事之皆有罪焉臣之事君婦之從夫也其義不可以不明苟

不不明於義而委質於人雖日不利吾不信也按程朱所正王魏之罪已著矣此不敢錄

若子孟頫之事其天屬人合又王魏之不

同者也子孟頫字子昂雖書畫精絕惡可取方孝孺曰予嘗論夷狄之不得與於正統夷狄之全有四海創見于近世故學者多疑焉蓋蔽于聞見而不暇遐思遠覽胡怪乎其末之熾也宋德祐景炎之後縉紳先生往往竄匿山谷或衰麻終其身或慟哭荒江斷壘間如失考妣而不復有榮達之

願者多有之及其世久俗變然後競出而願立其朝蓋宋之遺澤既盡而然也富貴之過於貧賤也遠矣使義可以處之無愧奚爲區區踐其所難而不顧乎蓋必有甚不可者而非知道者不能識也嗚呼斯理也見于孔子之易春秋者詳矣學者不深考至於棄君背父陷于夷狄而不自知道之不明其禍如是其烈也可畏也夫

因又馮瀛主吟詩臺

馮道瀛州人五代時天下大亂生民之命

急於倒懸而遁爲人滑稽多智不擇可否浮沈取容後唐莊宗世始貴顯自是累朝不離將相公師之位以身歷四姓十君後封瀛主臺在易州太寧山道吟詩於此

云詩曰林壑少佳色風雷有清秋爲問北山靈吟臺何久留時危亦常事人生足良謀不有撥亂功當乘浮海舟飄飄扶搖子脫屣雲臺游每聞一朝革尚作數日愁朝廷乃自樂山林爲誰憂視彼昂昂駒奈此汎汎鷗四維既不張三綱遂橫流坐令蚩蚩民謂茲聖與儻道嘗著長樂老叙自述累朝榮遇之狀時人往

往以德量推之蚩蚩尚可恕儒臣豈無尤不有歐
馬筆孰能回萬牛太行千里來瀟灑橫中
州今朝此登臨孤懷漲巖幽何當劇夢嶂
一洗它山羞宋趙秉文吟詩臺詩易州山河甲天下一日太寧如死灰
山意似羞人識面雨畧丞相賦詩臺

歐陽脩曰禮義廉恥國之四維四維不
張國乃滅亡况爲大臣而無廉恥天下
其有不滅國家其有不亡者乎馮道其
可謂無廉恥者矣則當時天下國家可

知也予於五代得全節之士三死事之
臣十有五皆武夫戰卒豈於儒者果無
其人哉得非高節之士惡時之亂而不
肯出歟嘗聞是時有王凝者家青齊之
間爲虢州司戶參軍以卒妻李氏負其
遺骸以歸東過開封止於旅舍主人不
納牽其臂而出之李氏仰天慟曰我爲
婦人不能守節而此手被人所執耶卽
引斧自斷其臂見者爲之嗟泣開封尹

聞之白其事於朝厚卹李氏而笞其主人嗚呼士不自愛其身而忍惄以偷生者聞李氏之風宜少知愧哉

司馬光曰天地設位聖人則之以制禮立法內有夫婦外有君臣婦之從夫終身不改臣之事君有死無貳此人道之太倫也苟或廢之亂莫大焉范質稱馮道厚德耆古宏才偉量雖朝代遷賈人無間言屹若巨山不可轉也夫爲女不足貴矣何則太節已虧故也道之太節如此雖有小善庸足稱乎或以爲當是之時失臣節者非道一人豈得獨罪道哉夫忠臣憂公如家見危致命智士有道則見無道則隱今道尊寵冠三師權任首諸相國存則竊位素餐國亡則迎謁勸進茲乃姦臣之尤安得與他人爲

比哉或謂道能全身遠害於亂世斯亦賢已夫君子有殺身成仁者專以全身遠害爲賢哉然不正之安中士羞以爲家不忠之人中君羞以爲臣若道之爲臣而不誅不棄則亦時君之責也

孝子田君墓表曰嗚呼天地至大萬物至衆而人與一物於其間其爲形至微也自天地未生之初極天地既壞之後前瞻後察浩乎其無窮人與百年於其間其爲時無幾也其形雖微而有可以參天地者存焉其時雖無幾而有可以與天地相終始者存焉故君子當平居無事之時於其下身之微百年之頃必慎守而深惜惟恐其或傷而失之實非有以貪夫生也亦將以全夫此而已矣及其當大變處大節其所終始者以之而行而立其所以與天地相以參天地者以之而行而回視夫百年之頃一身之微曾何足爲輕重於其間哉然其所

以參天地而與之相終始者皆天理人心之所不容已而人之所以生者也於此而全焉一死之餘其生氣流行於天地萬物之間者凜千載而自若也使其舍此而爲區區歲月筋骸之計而禽視鳥息於天地間而其心固已死矣而其所不容已者或時發焉則自視其身亦有不若死之爲愈者是欲全其生而實未嘗生欲免一死而繼以百千萬死嗚呼可勝哀也哉先人嘗

手錄金源

女真始國于按出虎水之源其國語謂金爲按出虎因以爲號

貞祐

金主珣年號一作真祐下同

以來致死於其所夫

者十餘人而武臣戰卒及閭巷草野之人爲多而予每覽之未嘗不歎焉而慚惕若不自容中焉而感激爲之泣下終則毛骨竦然若有所振勵者故爲之訪諸故老揆諸小說攷其姓里增補而詳記之惟恐其事之不傳也近復得清苑孝子田君焉貞祐元年十一月十有七日保州陷盡驅居

民出而君及其父與焉是夕下令老者殺
卒聞命以殺爲嬉未及君之父者十餘人
而君則惻然伏恐然代其父死遂潛往伏
其父於下以兩手據地俛而延頸以待之
卒舉火未暇省閱君項脣中兩刃而死夜
及半幸復蘇後二日令再下無老幼盡殺
時君已以藝被選而行大安肅矣聞其父
死謂人曰我當逃歸葬吾父遂歸求父尸
而得之負以涉河水傷脰至血出發母冢
下戶而塞之乃還而衆不之覺也嗚呼此
其所以爲孝子者歟銘曰嗚呼蹈斧鉞而
致死猶淵冰之歸全其死者藐焉此身之
微其全者浩乎此心之天有累雖丘匪丘
者存有圓雖石匪石維文百世之下有旌
式之孰獨喪人

靖獻遺言卷之七終

絕命辭

靖獻遺言卷之八

孝孺字希直

一作希古

洪武中以薦召見

太祖喜其舉動端整謂太子標曰此莊士也當

老其才以輔汝矣諭遣還鄉孝孺歸杜門著述

若將終身焉久之復徵至爲漢中府教授

太祖崩太子先卒是爲懿文帝太孫

允炆即懿文之子卽位改元建文因稱建文帝

召孝孺爲翰林博士尋陞侍講直文淵閣
從太祖先命也孝孺德望素隆建文帝禮
遇甚重一時倚重初懿文太子之弟太祖
第四子棣封燕王素蓄異心及太祖崩太
孫卽位以朝廷近臣齊泰黃子澄等更革
舊制削弱諸王因以誅齊黃靖國難爲號
反北平引兵南下諸路官軍相踵敗績燕
兵遂渡江逼京城孝孺乃作絕命詞自分
必死諸臣勸帝出幸孝孺請堅守誓死社
稷及燕兵進駐金川門谷主德李景隆等
開門迎降棣遂入城帝乃縱火焚宮變服
遁去京師傳言帝崩時建文四年也棣遂
自立卽位是爲成祖廢建文帝太子奎爲
庶人幽之中都矣棣之初發也姚廣孝僧道衍徒之謀主也嘯曰南有方孝孺者素有學行
武成之日必不降附請勿殺之殺之則天下
好學種子絕矣棣首肯之至是孝孺爲
賊兵執以獻棣欲召用不肯屈一日遣諭

再三終不從既而會議頒卽位詔撻問左右誰可代草者皆舉孝孺乃命出自獄孝孺斬衰而見悲慟不止聲徹殿陛撻降榻慰諭曰先生無勞苦吾欲法周公輔成王耳孝孺曰既稱周公輔成王今成王何在撻曰渠自焚死孝孺曰成主卽不存何不立成王之子撻曰國賴長君孝孺曰何不立成王之弟撻曰此朕家事先生何自苦又授以紙筆曰詔天下非先生草不可爲

我作詔命孝孺大書數字擲筆於地又大哭且罵且哭曰死則死耳詔不可草撻大怒太聲謂曰汝焉能遽死朕當滅汝十族張充備遺錄曰王命割其舌乃含血犯御座語極不遜令復繫獄以俟乃據其宗支盡抄沒之宗族坐死者八百四十七人鄭曉吾學編云八百七十三人焚夷其先人墓每抄提人輒示孝孺孝孺執不從乃及母族妻族九族既戮亦皆不從乃及朋友門生亦皆坐誅然後磔孝孺於聚寶門外

以刀抉其口兩旁至耳刑之凡七日罵聲

不絕至死乃已年四十六

姚履旋遜志齋集外紀引忠節

錄曰靖難後上以廖侯兩子鏞銘嘗受學幸孺令召之來見孝孺怒曰汝讀幾年書還不識箇是字兩子復命上怒令軍校收孝孺刑之廖氏兩子拾遺散葬聚寶山兩子亦論死

凡九族外親之外親盡數抄提調衛外親自抄提後死者復數百人初詔收孝孺妻鄭氏與諸子皆先自經死二女未笄被逮過淮相與投橋水死孝友孝孺季弟也及親屬皆就戮孝孺目之不覺淚下孝

友乃口吟一絕阿兄何必淚潛潛取義成仁在此間華表柱頭千載後旅魂依舊到家山士論壯之以爲不愧孝孺弟云

吳應賓曰

王予而降迄于信公成仁取義者踵至獨我明正學先生塵百體湛十族千秋萬歲髮猶指冠尚論之林所無有也先生不以自哀而後人哀之哀愈至而愈不可解則爲先生謀盍不爲周廣文死不失義辟不及孥而忠知附焉嗟乎先生固可以爲廣文使先生復爲廣文則人知君之可以七尺殉而不知君之可以十族殉也有裏糧坐甲而俾于軍者退不暇爲廣文而進不忍爲先生則將以中庸解乎長平坑卒與其死降孰若死戰睢陽之役刑善馬烹愛妾而可爾乃至驅老弱以餉壯士夫非率

土地而食人肉乎兩將軍曰生者必死爲虜臣者不可復爲唐楷且暮之間榮辱相萬誰謂兩將軍不仁爲先生也死者不害爲先生也死爲先生也死者不媿爲先生也族九原有知固可以彈冠而相慶矣況爲先生之伯之季之妻之女者平而補先生之缺以教萬世雖謂孝孺幼聰穎絕倫先生爲終古一節可也

雙眸炯炯如電上公歲喪母哀慕如成人甫

髫鬢日讀書積寸一目十行俱下爲文雄邁醇深鄉人呼爲小韓子十五六時侍父宦遊歷齊魯之墟覽周公孔子廟宅問陋巷舞雩所在慨然有愿學之志自是精思

力踐不已弱冠從太史宋濂遊時濂門下一時名流老輩皆讓不敢及孝孺顧反不悅文藝恒以明正道闢異端爲己任凡理學淵源之綱人物絕續之紀盛衰幾微之載名物度數之變無不言之析於一絲會歸大通見於論著進脩之功日有異而月不同嘗臥病絕糧亦處之泰然孝孺與鄭叔度書曰病夫安居以養拙拙益甚家益落有田數十畝小民見其不足爲輕重棄不爲佃菜棘盈疇家人報絕糧輒笑曰古人有三旬九食瓶無儲粟者窮者豈我獨耶且天下

之得其願者少，不得其願者皆是也。吾縱自憂其如衆人何，因相與大笑而止。處塵埃中，不慣與流俗往還。厭其喧鬧，每欲縛一椽於萬山絕頂，人跡所不至處，從一二友生，讀書嘯歌，以自樂。伐木誅茅，非有欲效效，畸人靜者巖棲，谷汲以自快，亦莫之遂。吾之貧困過古人遠矣，貧富貴賤，豈豈學道者所當掛口哉？恐吾兄欲知其所，自處故盡發之，以當談笑耳。

和粹貞

諒事親孝處師友篤恩義，父嘗被誣謫戍上疏，乞以身代。及教授漢中日，與諸生名士講習聖學，切磨道義。其言曰：學聖人者須先識孟子；學孟子者須先識浩然之氣。

又自名其齋曰遜志。

孝孺友人林右序

志齋集曰：流而不可止者，勢也。習而不可變者，俗也。與勢俱往，與俗同波者，衆人也。知勢俗之所趨，而能確然以聖賢自守，不浸淫於其中者，君子也。非惟不爲勢俗之所浸淫，而吾一言一行之所達，天下之勢皆隨以定。天下之俗皆隨以化。譬若烈風震雷，鼓撼上下，無大不摧無幽，不入雖有強梗，自撓亦妥焉。委靡於其下此，非聖賢豪傑之士不能當。周之末，孔、子之徒已沒，楊、墨之說盛行，於天下孟子慨然於布衣中修明仁義之道，而唱爲私說，鼓舞天下，天下之人皆相與坑焚之禍。天下學者不見全經，而老佛之徒，而尊之曰此。當今之聖人也。使三綱淪而九法斁，其害有甚於楊、墨者雖以韓文公之雄才，竟不能爲天下變。至宋程朱諸

予者出，一掃陋習，曠回天下，於大道之中。天下之人幡然而改，曰吾道固在是也。然後老佛之說爲無用，嗚呼！當其肆爲邪說，乘吾道之無人，成其賦。其間根蟠枝散，固植人心，漫不可扳。天不生程朱，於天下則天下之人終日殊殊，如瞽者之霄行。何由覲青天，而見白日也哉？故曰能定天下之勢者，如雲之舟，方能適無涯之海。有烏獲之力，方能負千鈞之重。有天下之才，方能剖天下之事。才不足以天下而欲剖天下之事，猶乘小舟以適溟渤，孱夫以負重，不待識者皆知其不可也。是故不患天下之勢，不我定。天下之俗不我化，惟患我無蓋。天下之學耳。惜乎！當今之學者，則異於是。況聞前朝之故智，竊成說，爲文辭雜老佛，爲博學志氣汙下，議論卑淺，齷齪然，無復有大人君子之態。吾友方君希直，奮然而起，曰：

是豈足以爲學？不以伊周之心，事其君；不以其君者也。不以孔孟之學爲學，賊其身者也。發言持論，一本於至理，合乎天道，天下有志之士莫不高く其言論，將盡棄其所學而從之。嗚呼！豈非豪傑之所用心也哉？常士世生豪傑之士，不，多見而於吾希直見之，又豈非吾之願也哉？希直之文，天下莫不信之，特其一事耳。要其大者，不在此也。雖然，文所以達志也。不觀其文，何以知其志之所存？余故又序其文云。

蜀獻王聞其賢，數延之處以賓師，道經其師墓，因走荆榛往祭，且卹其孤遺，備至每見蜀王，必陳說道德，王喜甚，賜號其讀書之室曰正學。學者稱爲正學先生。王又嘗賜敘。

曰闔門忠義爲百世光華孝孺謝云惟當
克己慎行益勵夙心體國忠君不負所學
矣孝孺已死平生所著述有僅存者而當
時有禁又五十年鄉之儒紳始蒐輯成帙
鋟梓以傳其尤所用心者嘗謂道之於事
無乎不在列爲二十八箴又作雜誠三十
八章以自警言謂化民必自正家始作宗儀
九篇謂先王之治先德化而後政刑作深
慮論十首以慕臣賊后夷狄雖一天下不
可爲正統作釋統二篇其他雖往復尚論
半柬片辭之餘亦未嘗不倦倦於綱彝經
綸之務廉恥節操之守也至四方豪傑得
一字寶於金璧云顧璘曰以孝孺王佐之
才易服就列宜致卿相之位究厥謀猷顧
豈與唐王魏者等不此之顧悲楚抗激至
礀身沉族而氣不少回嗚呼忠哉

天降亂離兮孰知其由姦臣得計兮謀國用猶
忠臣發憤兮血淚交流以死殉君兮抑又何求

嗚呼哀哉今庶不我尤

兵部尚書鐵鉉燕兵圍濟南甚急鉉悉力
防禦令軍民詐降開門候鉉入急下鐵板
傷其馬首幾中比出戰令軍士噪罵鉉窘
大怒攻久不能克舍之南去鉉乃設宴犒
問辛苦述賦賡歌激發忠義又有東昌及
小河之捷中原震動至捷欲北還既而渡
江入城鉉尚擁殘兵駐淮南燕兵擒鉉至
不肯屈令二顧終不可割其耳鼻竟不肯

顧劈碎其體至死罵不絕聲

王世貞曰鑉公馮未堅之

版築鼓不振之兵氣轉弱爲強幾就而挫天之所廢孰能與之支有靡碎膝無小屈斯爲最矣

都察院副都御史練子寧嘗謂金幼孜曰
子他日爲良臣我爲忠臣兵起子寧疏李
景隆觀望不忠請斬之及捷篡位召子寧
責問不屈死親族以下坐徙死者數十百

人羅洪先曰子寧本渝東山人至伯尚遷三洲寔生公比及第復居金前守祀公于嶮之鳳凰山渝人爭之夫三洲隸渝則渝祀隸嶮則嶮祀渝與嶮皆公故鄉何擇

馬彼之爭者以公在渝則渝重在峽則
峽重也夫能爲渝與峽重者止一死耳

翰林院脩撰王叔英燕兵至金陵知事不，
可爲沐浴具衣冠書絕命辭自縊入其辭曰
壤間忠孝貴克全嗟予事君父自首多過
愆有志未及竟奇疾忽見纏肥日空在案
對之不能勝意者造化神有命歸九泉嘗
聞夷與齊餓死首陽巔周粟豈不佳所見
良獨偏高踪遠難繼有爾無足傳千秋史
臣筆慎勿稱希賢又書曰生旣久矣愧無
神於當時死亦徒然庶無斲於後世妻劉氏亦縊死一女赴

井死

監察御史曾鳳韶嘗奉詔于燕不屈被築

位召之再終不應刺血書憤辭于襟

其辭曰予

生居廬陵忠節之一鄉素負立朝骨鯁之腸
讀書而登進士之第仕宦而至錦衣之郎
既一死之得宜可以含笑於地下而不愧吾丈天祥屬妻李氏并予

公望曰我死勿易衣遂自刎李氏亦經死
禮部尚書陳迪兵起上疏陳大計受命督
軍儲於外過家未嘗入聞變卽赴京師被
篡位召迪責問迪慢罵不屈與子鳳山等
六人同自刃于市將刑鳳山呼曰父累我
迪叱勿言罵不絕口被割鳳山等鼻舌熬

熟食。迪曰：好吃否？迪曰：這是忠臣孝子肉，好喫益指斥，遂俱凌遲死。衣帶中得詩其詩有曰：三受天王顧命，執山河帶礪此縣。論明於日，照徹區區不貳心。又有五噫詩並悲烈。

蘓州知府姚善忠憤激烈兵起，黃子澄避善，所約與航海善曰：守土之臣當與城俱亡。燕兵至江上，善受詔總兵勤王，時禮科給事黃鉞丁外艱歸，善以書招鉞，卽日營葬訖，遂趣健纂位，捕善急，善麾下縛善去，邀賞鉞聞之，慟哭遂絕食閉目，二日求死，或告曰：善款眼已得宥，鉞瞠目曰：吾知善決無二心，且少俟善事定，吾死未晚。脫善果不死，吾將下報。^{希直}遂復食尋善死，節報至，鉞起登琴川橋西向再拜祀善，哭曰：君今與希直同死國，吾忍背義獨生乎？祀畢，給家人歸祭具，從容整衣冠，奮身入水死。

沛知縣顏伯璣，唐魯公後，兵起郡縣皆歸

附伯瑋獨以死自誓燕兵攻沛援兵竟不至伯瑋度不能支令其子有爲還曰汝歸白大人子職弗克盡矣題詩察院壁

守諸公鑒此情只因國難未能平丹心不改人心節青史誰書縣令名木豈能支

大廈三軍空擬築長城吾徒雖死終無憾望采民艱達聖明

夜燕兵入

東門伯瑋冠帶升堂南拜慟哭曰臣無能報國自經死有爲不忍去復還見父屍遂自刎以從

侍中黃觀

初從父贊姓許後復本姓

建文中捷索齊黃

時觀草詔極其詆斥丘起奉詔募丘督諸軍勤王至安慶聞變痛哭謂人曰吾妻翁有志節必不辱招魂葬之江上明日家人奔自京師言翁夫人與二女同被執翁待欽鈄佯使奴出市酒殼急携二女率家屬十餘人投通濟門橋下死觀至李陽河既磯湍流之中

浙江按察司使王良以忠孝自許燕兵旣

入京良誓以必死。撻召之，畏執使下獄收。諸司印携歸與其妻訣。妻先自投于池。良遂舉火與家人同赴火死。

刑部尚書暴昭撻篡位，執至昭抗罵，不屈。先去其齒，次斷手足，罵猶不絕。斷頭乃已。濟陽教授王省靖難兵至陞明倫省曰：今日只說君臣之義，觸柱而死，子禎亦死。吾分死矣。被執已釋，投城下死。

景清卽耿清比撻篡位陰懷豫讓之志。欽天監奏有星紅色犯座，清果衣紳在中藏劍，不克而死。

按建文臣孝孺之外死節者數十人，詳具于備遺錄、皇明通紀等書，今不悉錄。特附其著者以見一時忠義之盛。云初，燕兵已過江，建文重臣胡廣、金幼孜、黃淮、胡儼解縉、楊士奇與衡府紀善、周是脩俱約同死。節燕兵駐金川門宮中，焚燎明

日是脩具衣冠詣應天府拜宣聖遺像自爲贊繫衣帶縊東廡下既而棟入城安主楹茹瑞先叩頭降之胡廣金幼孜以下六人亦背前約與蹇義楊榮等二十餘人皆勸進迎附遂多至大位矣

李卓吾藏書引
瑣綴錄云成祖

渡江周是脩與胡解等俱有約既而解令覩胡如廁回問家人餕褚否解笑曰一褚尚不捨肯捨性命又引天順白錄云解後爲是脩爲傳歟謂其子曰當時若同死義與爾父作傳邪按此一節殊可醜矣本無足言但解后有虛名故特錄之○鄭曉曰方孝孺死節事至今百六十年人皆歷歷能言雖言人人然其成仁取義之一死靡悔

斷然不可泯沒而同時文學柄用之臣際會功名史有別書以故彭韶哀江南詞有白後來奸佞儒巧言自粉飾扣頭乞餘生無乃非直筆

黃福鄭賜等

亦與胡金輩皆有所關係于建文朝而初不肯降既又自陳乞宥復被進用永樂十二年逮命胡廣楊榮金幼孜黃福等纂集五經四書性理大全以頒布于天下云余嘗論朱子明聖學植綱常爲天下後世所尊信表章固非一日而其間大不幸者有二焉宋理宗也元許衡也明文

皇也何也朱子大中至正之學百世俟聖人而不惑彌久彌信者固自然之理必到之勢雖莫此輩奚憂乎其不發顯流達也政使適闢氣數人事之變數千萬世沉淪蔽塞然吾聖賢相傳綱常名教之學者豈有憑此等賊逆臭穢之徒虛美相誑同惡相掩鼓唱引重而後可得行耶吾知朱子在天之靈其憤罵排斥而不容也必矣武王周公克殷制禮立政澤浹生民威加四海世祚之永八百餘年可謂盛矣誓誥之策風雅之典可謂富矣而終使天下萬世凜然知名分大義之嚴不可得而犯慚德口實之責不可得而辭而不至天壤易處人類斷滅者則特在乎西山餓死兩匹夫而已矣故予於二不幸已爲朱子歎而於此又有爲之賀者何也當理宗時也幸有若李燔矣當許衡時也幸有若劉因

矣當文皇時也幸有若方孝孺矣皆以豪傑之才醇正之學而篤信朱子確守綱常寧避世就義以名遂其志與西山餓死并五匹夫矣到今風采義氣烈烈如秋霜夏日昭揭常新夫然後聖賢綱常之學實爲有賴而朱子在天之靈於是亦有所慰矣

孝孺又題朱子手帖曰君子之與小人較勝負於一時則彼常盛而此常衰觀是非於百世則盛於俄頃者不足以蓋無窮之惡屈於一身者未嘗不光顯于天下蓋時與事錯迕雖聖賢莫能達其躬及其勢易而理存人亡而謗息狐狸狗鼠之輩臭腐漸盡而無遺而論議之公終不能掩衆庶之口若徽國文公朱子與西山蔡先生居於小人之事可見矣文公西山相與講說者孔孟周程之正道而胡紘沉繼祖董極力詆誣甚者欲寘之於死地西山營道之

竄公亦受僞學之日，奪官褫秩，逐屏從遊。之土，由小人觀之，曲意悖義，取媚於權姦，以爲朱蔡。且將終身名俱滅矣。夫孰知二百年之後，摧抑困悴者，皎乎若白日之當天，而鄙陋邪鬼之流，以擠排汙穢爲事者，人之視之猶覩不潔之物，目憎而氣奪，莫不欲戮既死之遺魄，以快仁賢之憤哉？嗚呼，亦可爲千古之鑒矣！西山之竄，在慶元二年丙辰。文公此書，不知遺誰，而惓惓欲告郡守，稍寬西山之拘執。師友之義，尚可以敦薄夫而勵末俗，非特字畫之可傳而已也。後之觀者，其尚有所感悟以爲君子之歸也夫。

又竊謂方孝孺平日學朱子，而此文所稱尤足以見其所式所養之素矣。是以方躬親臨大節，蒙大難也。奮前壁立磊磊落落，以致其命，其豈一時感慨矯激，士之所，能及哉？及其已死也，族黨門類

株逮剗盡天下莫敢稱其姓名而防禁
方酷遺文手書焚燬散脫湮晦埋沒將
隨朽骨而俱亡也及數十年之後勢易
理存而後偉辭微言醇行精忠家傳戶
誦震蕩磅礴愈久而彌熾矣此其始終
履歷凡是文所道無一不讎其言而其
是非之定于百世者又皆如合符節其
亦可謂不食所言不負所學真丈夫也
夫抑士處身行志何可較異日顯晦但
是非之正論議之公天理人心所同然
者乃與天壤不容得而泯滅而其大端
根本取舍得失之機皆在于己而無待
乎外矣則誦孝孺之言者於所謂爲君
子之歸者亦可不庶幾有所感悟以自
警哉因以此終編焉

靖獻遺言卷之八 終

書靖獻遺言後

古今忠臣義士素定之規臨絕之音見乎衰頽危亂之時而表于青史遺編之中者昭昭矣每捧誦而覆玩之其精确惻怛之心光明俊偉之氣使人如際乎當時接其風采

而感慨歎息歆慕奮竦有不能自己者其亦可尚矣哉間竊纂其特著者得八篇謹謄錄如右且贊其事蹟大略紀諸本題之下令其發于聲辭之各所以然者有以并考焉至其他一時同體之士可因而附見者與先正格論有關于綱常之要以及夫媿生忘義飾非求售以欲欺天下後世者又率得類推究覈以屬卷後嗚呼箕子已往矣而其所以自靖自獻于先王者萬古一心彼此無間如此然則

後之讀遺言者所以驗其心
亦豈遠求也耶淺見安正敬
書

京師二條通衣棚

風月莊左衛門發行

